



**NEW INDIA
ASSURANCE**

Tel: 24835 - 25683 Fax: 32263

PA UN COMBINACION EXCELENTE DI
* **SERVICIO** * **SEGURIDAD** *
* **SUPER ECONOMICO** *

Ministro Watty Vos

"E MOCION DI 1948 TA E BASE Y INSPIRACION PA E LUCHA DI ARUBA"

ORANJESTAD(AAN) -- "E mocion di 1948 tabata e inspiracion pa e mocion di dia 29 di februari 1972 cu nos a acepta y cu ta papia di un Status Aparte pa Aruba. Di 1948 te na 1972, mencionando e mocion di aña 1948, e mocion pa Status Aparte a worde acepta pa didos biaha den e Parlamento di Aruba. Asina Minister Watty Vos, e politico mas experiencia den politica na Aruba a bisa den un entrevista siman pasa. Den e combersacion habri y franco aki, e politico Watty Vos a mostra su comprendemento extenso y profundo di e materia di estructura estatal di Aruba. Un materia cu e lanta e cune den politica ora e a lanta e partido MEP hunto cu Betico Croes na 1972. Tambe e declaracion aki ta mostra cu Betico Croes y Watty Vos kier a sigui ariba e rumbo cu Henny Eman y Shon A Eman a stipula hopi aña prome y den un tempo completamente diferente. Sinembargo mustando cu e esencia di e deseo cu ta biba den Pueblo a keda mescos. Esta di ta autonomo pa mancha nos propio asunto nan.

E MOCION DI 1972

"E mocion di 1972 a worde acepta cu tur e votonan necesario den eilandsraad. A base di e mocion ey a manda un delegacion Hulanda pa bai discuti ariba Status Aparte pa Aruba." E pregunta a ser haci ta dicon diripiente e asunto si estructura estatal a bolbe bin ariba mes despues di tanto tempo. Minister Watty Vos: "Na aña 1969, despues di e sucesonan di 30 di Mei na Corsow, a cuminsa un movicion na Hulanda cu nan no tabata kier nan soldatnan ta interveni den Antiyas Hulandes. Na Corsow tabata tin un movicion

pa Antiyas bira independiente. Cu e nombramento door di Hulanda di un otro gobernador cu Antiyas a propone, den Staten di Antiyas a acepta un mocion pa Antiyas bira independiente. Na 1971 van Lier a bin Antiyas y Aruba y a bisa cu Antiyas cu Aruba aden lo mester bira independiente. Pasobra Hulanda no tabata kier tin mas territorio den Caribe of Latino America. Asina e movision a bolbe cuminsa. Nos no tabata kier pa Aruba bira independiente den un constelacion Antiyano. Nos a bisa e tempo ey cu si Antiyas bira independiente, nos kier pa Aruba bira independiente un dia promé." Esaki tabata motibo pa na Aruba e lucha a bolbe lanta den tur su fervor y cu Betico Croes na cabez a cuminsa accionnan pa Aruba haya loke ya decadan antras e a scohe pe: Status Aparte.

CHOLLERHOUSE DEN RANCHO STRAAT A WORDE BASHA ABAO



ORANJESTAD(AAN): Ayera mainta Chubatonan grandi y Dumptruck tabata haciendo trabaonan di bashamento abao di e cas den Ranchostraat.

Algun siman pasa e cas bandona aki a pega candela y asina caussa daño considerabel na autonnan cu tabata para den caya.

Brandweer mester a dreña den accion pa asina evita cu otro edificionan por a pega candela.

Habitantenan den bario tabata harta cu Chollernan tabata uza e cas como nan neishi di droga.

Ta tur anochi bagamunderianan tabata tuma lugar den e

Chollerhouse y for di e cas, Cholleman tabata sali manera Cayman na boca di rio pa asina dreña cas di hende pa horta.

Den centro di Playa tin diferente cas cu ta bandona y habitantenan cu ta biba serca di e casnan aki ta haya masha hopi molester di Cholleman cu ta dreña den e casnan y biba na un forma cu ta trese tur sorto di insectonan den bario pa no papia mes di malesanan contagioso.

For di basta tempo caba pueblo tabata poniendo presion riba gobierno pa tuma medida contra casnan bandona den centro di Playa.


Doñonan di casnan bandona

mes no ta preocupa nan mes y ta esnan cu ta biba serca di casnan bandona, mester biba cu temor pa ladroncia y actonan violento di cholleman cu ta sinta uza droga henter dia.

Pa habitantenan di Ranchostraat e bashamento di Chollerhouse abao ayera, tabata un alivio grandi pa nan pasobra esaki ta un dolor di cabez menos den caya.

Ora cu un Chollerhouse worde basha abao, Chollernan ta bay pa un otro cas y asina e problema tambe ta muda di un bario pa otro, siendo cu esaki no ta e solucion directo.

**PEPPER
JACK
BACON
CHEESEBURGER**



ta ofrece e pikante i delicioso "Pepper Jack Cheeseburger". Si, Wendy's so por combina un hamburger filet, soculento cu keshi Pepper Jack, lechuga, tomati, i bacon, hunto cu su saus special.



Pero pura si, e oferta aki ta pa tempo limita!!!

Playa, San Nicolas, i Palm Beach



DIARIO

26747